

ARUWANUWEN MWIICHENAP

A SUUK ME FIS WON MOEN IS. TRUK STATE F.S.M. NON SARINFAN

RUWANUUN MAY ENGOROU TIWEPUKU WANIK ME EW

NAMOPUNG NO. 1-157

EW NAMOPUNG

A awora ukukun \$21,000 seni ewe Monienapen ewe Legislature-un Chuuk ren fan asengessin monien public projects ngeni Polle, Patta me Wonei, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Iei a kawor ukukun \$21,000, ika fite ukukun mei namot ren an epwe tongeni naaf seni ewe Monienapen ewe Legislature-un Chuuk ren fan asengessin monien public projects ngeni Polle, Patta me Wonei, epwe iei usun inetin me nounoun:

- (1) \$12,000 ngeni Muun Wonei ren sopesopun ewe
moni mei kawor me ren Annukun Chuuk
No. 3-3;
- (2) 2,000 ngeni Muun Patta ren forsefanin
classroom non Sapota;
- (3) 7,000 ngeni Polle ren ekkei:
 - (a) \$2,000, ren eppetin saat non Manaio;
 - (b) 2,000, ren forsefanin ewe oror non Sopou;
 - (c) 2,000, ren eppetin saat non Nethon; pwan
 - (d) 1,000, ren forsefanin classroom non Neirenom.

Tetten 2.

(a) Ei ukukun moni mei kawor non Tetten 1 epwe einet ika no-ngeni Director-un Putean Public Affairs, ewe epwe wisen tumunu nounoun me mwokutukutun ewe moni fan iten ewe Legislature ren an epwe chok fiti meta mei affat me non Tetten 1 ren sakkun mwokutukutun ewe moni, iwe esap pwan wor katoun me nounoun ei moni epwe nap-seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1982, epwe niwin sefaan ngeni ewe Monienapen ewe Legislature-un Chuuk.


(b) Ewe Director-un Public Affairs epwap atou ewe moni ika pwe a tori taropwen planin me popunapen nounoun ewe moni me ren ewe Saron, ika ion a mutata pwe epwe wisen fori.


Tetten 3. Ewe Director epwe awora an repot won anapanapen nounoun me mwokutukutun ei moni ngeni ewe Legislature me mwen April 15, 1982, epwe affatatiw:

(1) unusen porausen nounoun ewe moni fongon me ukukun nussun mei chiwen wor non April 1, 1982; pwan

(2) met sakkun atoot ika anapanap ren ewe nussun moni esemwo nounou tori non April 1, 1982, an epwe nounou non met ukukun nussun ewe Fiscal Year, nge och sopoulosun repot epwe pwan kawor nefinen 20 ran me murin soponon ewe Fiscal Year ngeni ewe Legislature ika ew Committee mei finita, epwe affatatiw napanapen nounoun me mwokutukutun ewe moni.

Tetten 4. Ei Namopung epwe poputa pochokunan non October 1, 1981, ika a kapunguno me ren ewe Kepina, ika pusin winiti annuk, nge esemwo kapunguno.

Sain seni: 
Tadashi C. Wainit, Speaker
Truk Legislature

Annetata: 
Datsi Albert
Legislative Clerk/Secretary
Truk Legislature

Pwinin maram: 

Kapunguno seni: 
Erhart Aten, Governor
Truk State Government

Pwinin maram: 